

Utaratibu wa Mpango wa Watoto Wachanga

Huu ni muhtasari wa hatua ambazo huenda familia yako ikafuata inaposhiriki katika Mpango wa Watoto Wachanga.



HATUA ZA KWANZA: KUANZA

1

Uelekezaji

- Mtu yeyote, akiwemo mzazi, aliye na wasiwasi kuhusu mtoto wako anaweza kumwelekeza kwa Mpango wa Watoto Wachanga.
- Uelekezaji unaweza kufanywa kwa simu, faksi, kwa maandishi au ana kwa ana kwa Shirika la Huduma za Ustawi wa Watoto (CDSA, Children's Developmental Services Agency) lililo karibu.
- Ombi la uelekezaji likipokelewa, Mratibu wa Huduma za Suluhu za Mapema atateuliwa ili kuisaidia familia yako.

2

Mikutano ya Mwanzo

- Wakati wa mikutano yako ya mwanzo na mratibu wa huduma na mfanyakazi mwingine wa CDSA, utaulizwa kuhusu mtoto wako, ustawi wake na historia ya matibabu.
- Mikutano hii ya mwanzo itatusaidia tuelewe wasiwasi na vipaumbele vyenu kama familia, uwezo wa sasa wa mtoto wako na sehemu zinazohitaji kuboreshwa, pamoja na mafanikio na changamoto ambazo huenda ukapata katika shughuli za kila siku.

3

Tathmini na Ukadiriaji

- Ili kubaini ikiwa mtoto wako anastahiki kupokea huduma za Mpango wa Watoto Wachanga, utathmini wa uwezo wa sasa wa mtoto wako unaweza kufanywa.
- Maelezo yanayokusanywa kupitia ukadiriaji yataonyesha uwezo wa mtoto wako na sehemu zozote za ustawi zinazoweza kunufaika kutokana na msaada wa suluhu za mapema.

HATUA ZINAZOFUATA: HUDUMA

4

Mpango wa Huduma Binafsi ya Familia (IFSP, Individualized Family Service Plan)

- Baada ya mtoto wako kubainishwa kuwa anastahiki kushiriki katika Mpango wa Watoto Wachanga, mratibu wa huduma ataongoza kubuniwa kwa mpango wa IFSP.
- Kubuniwa kwa mpango wa kwanza wa IFSP lazima kufanyike ndani ya siku 45 kuanzia siku ya kuelekezwa.

5

Utoaji wa Huduma

- Mtoto wako atapokea huduma kama ilivyobainishwa katika mpango wa IFSP.
- Huduma zilizotajwa kwenye mpango wa IFSP zinapaswa kuanza kutolewa ndani ya kipindi cha siku 30 baada ya kubuniwa kwa mpango wa IFSP na kutiwa saina na familia.

6

Ukaguzi wa Mpango wa IFSP

- Kadri mahitaji ya mtoto na familia yako yanavyobadilika, ndivyo misaada na huduma zinaweza pia kuhitaji kubadilika.
- Mpango wa IFSP utakaguliwa angalau kila miezi sita ili kuhakikisha bado unaendana na vipaumbele vyako na mahitaji ya mtoto na familia yako.
- Unaweza kuomba mpango wako wa IFSP usasisiwe au ukaguliwe wakati wowote.

7

Mabadiliko

- Watoto huondoka katika Mpango wa Watoto Wachanga wakati hawastahiki tena kushiriki katika mpango au wanapofikisha umri wa miaka mitatu.
- Mipango ya mipito hubainishwa katika mpango wa IFSP.

HATUA ZA BAADAYE: KUONDOKA

Wazazi wanaweza kuchagua kuendelea kushiriki kwa utaratibu wao, kukomesha utathmini wa hali ya kustahiki kushiriki, au kujiondoa kwenye mpango wakati wowote.

